

Gvanhcangh Cunh:

Aen Mbanj Gaeuq Caemdingh Youh Ndeiyawj Ndeu

静谧而又养眼的古村落——官庄村

□ Lij Genvej Bangz Sanjyinz

Song aen laeuzbauq daengjhen benq ranz gaeuq.



▲ Aen ranzhaihoih aeu ranz gaeuq gajj guh.



▲ Luengqhongh doeng daengz gak aen ranz gaeuq.



▲ Song doiq ringab daengj youq baihnaj ranzhaihoih.



▲ Vunzmbanj caengh cang makdauzmaed baenz buek gai okbae.



▲ Dingj ranzvax doxdaep doxding.



▲ Suenmakdauz henz roen va hai angjda.

► Ciengzgvaengh luengqhongh raen riz gaeuggeq.



▲ Vunzmbanj angq-vanez sou makdauzmaed.



Vunzmbanj Gvanhcangh Cunh leihyungh dieg youq henz goengloh, ndaw mbanj miz ranz gaeuq Cuihmingz Cuihcingh guh, comz ngaenz coihcingj ranz gaeuq, caeuq gij mbanj henzgyawj lienzenq ndaem makdauzmaed, guhbaenz aen cunh hawj hekyouz seizcin ndaej yawjngonz vadauz, seizcou ndaej mbaetsou cimzgwn makdauz, youh ndaej haeuj mbanj cimhra rizgaeuq ciuhgeq, cuengqlangh aensim, soengset yiengjsouh saedcej laj-mbanj ndeu, saedcej vunzlai bi beij bi vuenyungz.

Gvanhcangh Cunh dieg youq baih doengbaek Gvanyangz Yen, gvihaeuj dieguenj Suijceh Yang, aenmbanj ing bya dep raemx, aenranz cienheu vaxmbok, onjmaenh daengjdwt, benq ranz gaeuq gaeng miz caet bak lai bi lizsij; Cuihmingz Cuihcingh seiz, ndaw mbanj gonq-laeng ok haujlai vunzcaiz, miz vunz gaujhwnj guhhak, ndawde box ceiq okmingz de dwg Cuihcingh Dau-gvangh nienzgan Hoz Ging'wnh box youq Swconh lai aen yienh dang

cihyen neix. Bakmbanj miz song giz haem daengj ringab ganjgeiz, guhcingq le gij ndwenngonz ndaw mbanj daihdaih ok vunzcaiz haenx. Gizdieg vunz ceiq siengj bae haenx dwg dieggaeuq ranzaw hung caeuq ranzaw iq youq Cuihmingz guh haenx, byaij haeujbae ndwn dingh, couh lumj ndaejnyi sing doegsaw goksadsad heux youq henz rwz. Dahgvan'gyangh laertrat con gvaq bakmbanj, baksok rinheu gaeuq lij daengj miz song gep sigbei gangjmingz: Youq song bak bi gaxgonq Cuihcingh Gvanghsi nienzgan, gizneix gaeng ruz bae ruz dauq nyaengqnyinyi hoenghhwdhd. Seizneix daengx cunh miz gyawj 2800 vunz, miz Mbanjlax, Mbanjgyang, Mbanjgwnz, Mbanjranzciengj, Mbanjranzvuz daengj 9 aen mbanj, ndawde Mbanjlax dwg Gvanhcangh aen mbanj ceiq geq ndeu, gij mbanj wnq cungj dwg gvaqlaeng cugciemh senjbuen gvaqdaej, baenzneix ndaej senj haeuj buekdaez aenmbanj cienzdoengj Cungguk.

Byaij ok Gvanhcangh Cunh le,

couh raen miz goengq Byavenjbuengj ndeu, diuz roenmbaeklae aeu rinbya daebbaenz he iet bin doxhwnj, gwnz dingjbya miz aen diengzbinbya aeu rinbya guh giek faex doxdaep gang vax ndeu. Ndw youq ndaw diengz yawj coh seiqhenz, ndaw gvaengh geijcib leix bya sang heuswdsd gingjsaek gyaundeit yawj ndaej yienhsagsag.

Gvanhcangh Cunh Mbanj-cizyenz, Mbanjranzvuz, Mbanjbakbit caeuq Vujgyahvanh Cunh, Dungzdwz Cunh henzgyawj cibgeij aen mbanj lienzenq caez ndaem makdauzmaed baenz fanh moux, makdauzmaed gai daengz daengx guek gak dieg caeuq gij guekgya Dunghmungz, gyoebbaenz le rangh gingjyawj cib leix vadauz Gvanyangz, baenz le hongsaeh donghdaemx Suijceh Yang. Gvanhcangh Cunh gungh ndaem miz 3000 lai moux makdauzmaed, moix bi vuenh binjcungj moq 300 moux, miz 2000 lai moux dawzmak, bi sou makdauzmaed 4000 lai dun, dan gai makdauzmaed daengx cunh moix vunz bingzyaenz cinghsouhaeuj 1500 maenz, gyawj cib bi daeuj bibi souhaeuj cungj dingh youq aen soq neix, vunzmbanj souhaeuj lai youh onjdingh.

Gvanhcangh Cunh nienzdaih gyaenanz, de daengz seizneix lij cienz cungj saengsik vwnzva cienzdoengj ndeu hawj daihlaeng, diuz gai diuz hongh, nga raemx aen diengz, couh lumj lwnhgangj gij gojgaeq ciuhgeq haenx, aen dem aen cit youh cit, mbouj dingz mbouj duenh...